

SOS AUGÙRIOS DE SU SÌNDIGU E DE S'AMMINISTRATZIONE COMUNALE

Godire de s'agatada normalidade, iscobèrrere de nou sos valores prus profundos e assaborare su gustu de sa semplicitzidade: est custu s'augùriu chi su sìndigu de Budune, Giuseppe Porcheddu, paris cun s'amministratzione comunale intrea, disìgiat imbiare a totus sos tzitadinos, a sos istranzos e a cantos ant a coro sa terra nostra pro una bona Pasca de Nadale e unu ditzosu 2023.

Mai comente custu annu s'augùriu est de festare totus paris: como ischimus cantu siat importante, dae poi de su difitzile perìodu de sa pandèmia chi nos at custrintu a tesu unu dae s'àteru.

Pròpiu pro tzelebrare in comunidade, comente in una festa manna de famìllia, s'amministratzione at organizadu una sèrie de addòbios e de iniziativas chi sunt cumintzados sa die 8 de Nadale e chi si ant a perlongare fintzas a s'Epifania (festa de sos tres res). Sos pitzinnos sunt - a manera naturale - sos protagonisti, ma puru sos mannos podent agatare momentos de divagu a issos dedicados chi ant a concruire cun sa chena in piata in programma su 23 de Nadale chi benit.

S'acollèntzia calorosa e s'aflussu mannu de tzitadinos e turistas a sos mercados de Nadale nostros, testimòniant su piaghene mannu de comunidade e de torrada a sa normalidade. Brindamus totus paris, abbaidende cun cunfiàntzia a su tempus benidore e firmos in sa voluntade de nos impignare pro una Budune ogni die migliore.

Traduzione a cura de s'operadore de s'Isportellu de Limba Sarda de su Comune de Budune.
Progetu "FAIDDHÈMU CUN TUTTU LU MUNDU – FAEDDAMUS CUN TOTU SU MUNDU"
Annualidade 2022- Finanziadu dae sa RAS a L. 482/99 e dae sa L.R 22/2018.

L'AUGURIU DI LU SINCACU E DI L'AMMINISTRAZIONI CUMUNALI.

Alligrassi di l'agattata 'ita di dugna di, turrà a cunniscì li 'alori più fundati e prizià li cosi sèmprizi: è chistu l'auguriu chi lu sindacu di Buduni, Ghjaseppa Porcheddu, insembi a tutta l'amministrizioni cumunali, vó mandà a tutti li paisani, a tutti li cussogghji, li stragni e a chissi chi àni a cori la tarra nostra una bona Pasca di Natali e un bon nóu pa' lu 2023.

Abali chi sapemu cantu sia 'mpulanti dapoi di lu trattu di tempu difficcili di la pandemia chi ci' à vistu distanti unu da l'altu, mai com'è chist'annu l'auguriu è chissu di affistà tutt'insembi. Proppiu pa' onorà la cumunitai, com'è in una festa manna in famiglia, l'amministrizioni à cunculdatu attoppi e attivitai chi àni presu avviu la di 8 di lu mesi di Natali e chi sigaràni finz'a Li Tre Re. Li steddhi, com'è ghjustu, sò li prinzipali intarassati, ma ancóra li manni poni agattà diiltimentu e abbentu illi mumenti a iddhi didicati com'è la cena in piazza appustata pa' la di 23 di lu mesi di Natali.

Lu calurosu binvinutu e l'acudita manna da palti di li paesani, cussugghjani e stragni a li nostri malcati minureddhi di Natali sò la próa di una gana manna di cumunitai e di turrà a la normalitai.

Femu un bringhisi tutti insembi figghjulendi a li tempi chi venini cun cridènzia e felmi illa 'ulintai di punì afficcu pa' una Budoni meddhu dugna di.